

أول جهاز الشرطة في الإسلام | قصة الخلافة الراشدة [071]

راغب السرجاني

بسم الله والحمد لله والصلاة والسلام على رسول الله. مع الحلقة السبعين بعد المئة من قصة الخلافة الراشدة. وهي الحلقة السادسة والثلاثون من روائع عمرية النهاردة بنتكلم ان شاء الله على الشرطة في عهد عمر بن الخطاب رضي الله عنه. الحلقة الماضية اتكلمنا عن الجيش في عهد عمر بن الخطاب. وقلنا ان هو اول واحد عمل - 00:00:00

حربية في الاسلام اول واحد عمل نظام للجيش المسلم. طبعا الجيش موجود من ايام الرسول عليه الصلاة والسلام ومن ايام ابو بكر الصديق و صدر عهد عمر رضي الله عنه لكن كان قائم على التطوع ما كانش فيه آآ قوات نظامية شغلتها فقط القتال او شغلتها فقط حماية الحدود او الثغور - 00:00:20

وما الى ذلك. عمر اللي عمل الكلام ده. نفس الكلام اللي قلناه على الجيش بنرجع نقوله ثاني على الشرطة. الشرطة موجودة من ايام الرسول عليه الصلاة والسلام كان يمسك الشرطة ايام الرسول عليه الصلاة والسلام الصحابي الجليل اه قيس ابن سعد بن عبادة رضي الله عنهما. طبعا قيس من شباب الصحابة الانصار - 00:00:40

الخرزج وكان قوي جدا وفارس. وكان بيتولى هذه المهمة. ما كانش في شرطة بالمعنى المفهوم ايام الرسول عليه الصلاة والسلام اللي احنا عارفينها دلوقتي وزارة الداخلية مسلا فيها اه قيادات فيها جنود فيها اه امكانيات عسكرية ما فيش الكلام ده. لكن كان الاساس موجود. هي دي الفكرة - 00:01:00

الدولة الجميلة اللي عملها الرسول عليه الصلاة والسلام اللي هي المثال اللي سماه المدينة المنورة كت يثرب سماها المدينة انا باعتبار اسم المدينة ده قصده ان هو يكون فيه اساس لكل ما هو مدني لكل ما هو حضاري. عمل نموذج صلى الله عليه وسلم. فعمل نظام الشرطة على حدود المدينة المنورة - 00:01:20

منورة وبعدين زادت الامور في اخر عهده صلى الله عليه وسلم عندما دخلت الجزيرة العربية بقبائلها المختلفة في الاسلام اتسع الموضوع شوية لكن ما زال الى حد ما محدودا. كان انس ابن مالك بيصف شرطة الرسول صلى الله عليه وسلم يقول ان قيس آآ ابن سعد كان يقوم بين - 00:01:40

النبي صلى الله عليه وسلم بمنزلة صاحب الشرط من الامير. هو ما كانش فيه شرطة عشان كده اللفظ ده جه من انس ابن مالك بمنزلة صاحب زي ما انتم بتشوفوا دلوقتي. ده كلام انس ابن مالك يعني في عهد الدولة الاموية ان في نظام شرطة متكامل في حراسة - 00:02:00

للامور الداخلية في داخل الدولة للشوارع للممتلكات العامة. فيه ناس بينفزوا الاحكام في في الكلام ده كله كان موجود ايام الرسول عليه الصلاة والسلام ما كانش موجود بالشكل المثالي اللي انتم شايفينه دلوقتي لكن كان موجود له النواة اللي على اساسها بنى بقية الصحابة والخلفاء بعد - 00:02:20

كده نزام الشرطة الاسلامي اللي كان موجود في الدولة الاسلامية. فكان اللي بيقوم بهذا الدور ايام الرسول عليه الصلاة والسلام قيس ابن سعد ابن عبادة. ايام ابو بكر الصديق كان - 00:02:40

بيقوم به عبدالله بن مسعود رضي الله عنه. برضه على اطار محدود. عمر هو اللي عمل نزام للشرطة متكامل. بحيس ان انا يبقى عندي يعني اه اه كيان معين معروف في ناس موزفة ما بتشتغلش غير الشغلانة ديت. يعني قيس ابن سعد ابن - 00:02:50

عبادة كان بيشتغل في شغله العادي في التجارة وكان صاحب اموال وعنده ثراء وابوه طبعا من قادة الخرزج سعد ابن عبادة سيد

الخزرج فهو كان له وضعيته بس هو الى جوار عمله كتاجر او الى جوار عمله مسلم ببشتغل في اي وظيفة الناس - [00:03:10](#)
هو او الناس اللي بتساعده كان بيقوم بهذا الدور ايام الرسول عليه الصلاة والسلام. لكن ايام وكذلك ايام ابو بكر الصديق طبعاً زي ما قلنا عبد الله ابن مسعود. ايام عمر في ناس تخصص - [00:03:30](#)

تتق في هذا الموضوع فقط ما بتشتغلش غير ان هي صاحبة شرطة بتقوم ادوار معينة هتعرف على بعضها ان شاء الله في حلقة اليوم عشان نعرف ان هو عمر رضي الله عنه كما ادخل نزام الجيش النظامي في الدولة ادخل نزام الشرطة النظامية في الدولة يعتبر هو اول من اسس في وزارة الداخلية في الاسلام. اضافات عمر - [00:03:40](#)

لا نهائية. لما تقعد تتدبر في حياتي هتلاقي كل يوم بيضيف اضافة للدولة. وبعد كده في عهد بقى عثمان وعلي والحسن رضي الله عنهم. سم الدولة الاموية العباسية ده كله بيبنى على اللي عمله عمر في النزام اللي هو عمله رضي الله عنه وارضاه. الشرطة في عهد عمر كان اسمها شرطة. يعني كان معروف بهذا الاسم. الاسم ده - [00:04:00](#)

في بعض الناس بتزن ان هو دخل على الاسلام في عهد الدولة الاموية وبينسبوا هذا الموضوع للدولة الاموية. لأ هو موجود من ايام سيدنا عمر هحكى لكم قصة يعني لطيفة شوية كان ايام سيدنا عمر حصل آآ فيها موقف اتقالت فيه لفظة الشرطة ديت. آآ ابو شجرة ابن عبد - [00:04:20](#)

العزة ده رجل من بني سليم وهو كان من المرتدين ارتد اثناء الردة في ايام ابو بكر الصديق رضي الله عنه بعد وفاة الرسول عليه الصلاة والسلام ثم عاد للاسلام بعد ان حاربه خالد ابن الوليد. خالد ابن الوليد قبل ما يطلع على اليمامة كان راح لبني سليم. وحاربهم وانتصر عليهم. وبعد ما انتصر عليهم كم - [00:04:40](#)

وراح اليمامة زي ما انتم عارفين. في اسناء هذه الحرب مع بني سليم الناس يعني في بعضهم قتل وفي بعضهم يعني نجا. وكان ابو شجرة فهذا ممن نزع. وبعد ما نجى يعني ربنا من عليه بالاسلام فعاد للاسلام. فاياهم سيدنا عمر كان ابو شجرة ده كان كان شاعر كبير. وكان عنده يعني - [00:05:00](#)

اشعار بيقولها لتحميس الناس على حرب المسلمين. وكان بيحمس الناس على حرب خالد ابن الوليد وامره مشهور. كل الناس تعرفه ان ابو شجرة ابن العزرة كل الناس عارفاه ليه؟ لان هو اللي بيهيج الناس على حرب المسلمين. فعمر عارفه عارف اسمه ان هو ما راحش قبل كده هذه المنطقة وما شفش - [00:05:20](#)

جدا. لكن هو يسمع اسم ابو شجرة وبالزات اسمه اسمهم مميز وخاص به يعني. في يوم من الايام عمر بن الخطاب بيقسم الصدقة بين الناس وزع للناس فجاءه ابو شجرة فقال يا امير المؤمنين اعطني فاني ذو حاجة. فقال ومن انت؟ قال انا ابو شجرة ابن عبد - [00:05:40](#)

السلمي جريء الاسم كله على بعضه ما عنديش شك ان انت ابو شجرة المقصود. فقال ابو شجرة انت جيت بنفسك هنا اية عدو الله يعني انت افتكروا بقى ايه سيدنا عمر بكل زكريات حرب الردة بمشكلة خالد ابن الوليد اللي كان آآ يعني هو من الناس اللي هيجوا - [00:06:00](#)

الناس على حرب خالد بن الوليد. فقال الست الذي تقول فرويت رمحي من كتيبة خالد واني لارجو بعدها ان انا يعني هو كنت فخور قوي ان انت قتلت ناس من كتيبة خالد كتيبة خالد دي كلها صحابة. فانت فخور قوي ان انت قتلت ناس من كتيبة خالد وتريد ان - [00:06:20](#)

ان تعمر تعيش بعد ما قتلت كتيبة خالد وقام يجري وراه. الراجل طلع يجري وعمر يجري وراه بالدرة بتاعته العصاية. انتم عارفين عمر كان عنده قصيرة كده لطيفة قوي اسمها الدرة بيضرب بها اللي يضايقه يعني. امير المؤمنين قائد الدولة طالع يجري بنفسه وراه الراجل. آآ حتى - [00:06:40](#)

طبعه الرجل عدوا ورجع الى ناقته فارتحلها لكن العم اللي عايز ياخذ صدقة ولا عايز ياخذ حاجة وطلع ايه طلع يجري الى ارض بني سليم وهو ماشي مروح كل ده عشان اوصل للحتة دي عشان هو ماشي مروح قال ابيات شعر طويلة جدا مش هقولها لكم لكن اخر

بيت في هذه الابيات قال لما رهبت ابا حفص - 00:07:00

عمر بن الخطاب وشرطته والشيخ يفرع احيانا فينحرق. فزهرت مني هذه حماقة ان انا سيد كبير في قومي واطلع اجري عشان اركب الناقة واجري على بلدي بعد كده فدي حماقة الشيخ حصلت منه لما رهب ابا حفص اللي هو عمر بن الخطاب وشرطة عمر بن الخطاب. فواضح انه - 00:07:20

هو كان عنده شرطة وناس بيحموا فيعني ديت ديت الفكرة بتاعة النزاهة اللي كان عامله عمر بن الخطاب عنده شرطة معروفة للراجل ان هو ده شرطة عمر ابن الخطاب وقال في هذا الشعر. مهام الشرطة في عمر في ايام عمر بن الخطاب كانت اولاً طبعاً اهم مهمة لها حفز الامن العام. امن - 00:07:40

بلد الناس كله تكون عيشة في امان والامان ده نعمة كبيرة جدا لانها جايز ما نقدرش قيمتها الا لما نفتقدها. نعرف ساعتها احنا بنكون واخدين حاجة عادي ان انت ماشي في الشارع او عادي ان انت بيتك ما حدش بيقتحمه او عادي ان انت سيارتك ما حدش بيسرقها او انت بتاخذ الامور دي عادية هي مش عادية هي ده نعمة - 00:08:00

كبيرة اوي اوي من ربنا انه يوفر لك الامن. وربنا سبحانه وتعالى امتن على على قريش وانكر عليهم انهم لا يعبدونه ليه؟ لانه اطعمهم من جوع وامنهم من خوف مع ان نعم ربنا على قريش الهائلة لا تحصى. نعمل ربنا على الانسان بشكل عام اداهم السمع

واداهم البصر واداهم الصحة واداهم المال واداهم واداهم - 00:08:20

من كل ده اختار نعمتين هم دولت احسن حاجة في الدنيا كلها. اطعمهم من جوع وامنهم من خوف. فنعمة الامن ديت وفرت آآ عمر بن الخطاب لامته ووفرها ليل نهار. النهار الناس الى حد ما بتبقى صاحبة لامورها وواحدة - 00:08:40

من حاجات يا عمر اول من عسى بالليل. يعني ايه عسى؟ العس اللي هو المشي بالليل. خلى فيه جنود وعساكر يتمشوا بالليل في شوارع المدن الاسلامية شوارع المدينة المنورة شوارع مكة البصرة الكوفة الفسطاط غيره في نظام اسمه نظام الشرطة الليلية. يمشوا كده بقى فاكرين - 00:09:00

ايام زمان الشاويش مين هناك والحاجات اللي بنسمعها في الماضي ديت بيمشي بالليل كده بس مجرد ان هو ماشي عشان الناس تعرف ان في شرطة موجودة قرب الامان لوجود هذا النظام. اول من قدم هذه الخدمة الجليلة للامة الاسلامية عمر بن الخطاب رضي الله عنه وارضاه. دي اضافات احنا ممكن ناخذ - 00:09:20

الموضوع ببساطة شايفين شرطة عربية شرطة ماشية بالليل لتأمين المناطق واخدين امر عادي اللي مش عادي هو المبتكر الاول الذي سبق الناس في هذا الفعل وده كان عمر ابن الخطاب رضي الله عنه. عمر هو اول من استخدم الشرطة كوظيفة ثابتة في الولايات - 00:09:40

المختلفة. وعندنا روايات كتير جدا في هذا الموضوع. لما راجعوا كتب التاريخ بتلاقوا ثروات من هذا النظام. يعني ذكر وكيع مثلا في اخبار القضاة ان ابراهيم النخاعي كان جالوازا للقاضي شريح. جلاواز هو صاحب الشرطة. الشرطي اسمه كان اسمه جلاواز وجمعها جلاويز - 00:10:00

وكانت كلمة مستخدمة في القرن الاول والقرن الثاني الهجري. فكان بيقول في النص ان القاضي شريح القاضي ده بيصدر احكام فعنده صاحب شرطة شوف الجمال يعني هو عامل برضه عمر هو اللي عمل نظام القضاء على فكرة في الاسلام يعني نظام الجيش نظام الشرطة نظام - 00:10:20

القضاء هو اول برضو من طبعاً القضاء موجود من ايام الرسول عليه الصلاة والسلام. لكن يكون في عندي سيستم قضاء نظام قضائي في قاضي في كل مدينة بأحكام معينة بمتابعة - 00:10:40

من قاضي اكبر بيتابع الامور قضاة فرعيين وبعد كده بينشأ قضاء المظالم يعني شيه شيه مبهر الحقيقة. عمر كان عنده قاضي في كل في كل مدينة. فالقاضي شريح مشهور طبعاً مش شريح القاضي ده من اشهر القضاة في تاريخ الاسلام كله يعني. ده كان قاضي عمر ابن الخطاب رضي الله عنه كان في الكوفة - 00:10:50

وكان على بابه في واحد شرطة. ليه؟ لان هو القاضي بيصدر احكام بيحكم في قضية معنا. وصاحب الشرطة بيقوم ينفذ الحكم مباشرة اه وورد ايضا ان عبدالله بن مسعود كان يستخدم الشرطة ايضا في الكوفة لما استلم قضاء الكوفة لحفز الامن واحضار المتهمين. وامر عمر ابن الخطاب - [00:11:10](#)

ابا موسى الاشعري لما ابو موسى الاشعري اتولى آا امر البصرة امره بتنفيذ الاحكام عن طريق الشرطة في البصرة. واقامت الشرطة احكام كتير في اليمن ممكن نتعرض في الحلقة القادمة ان شاء الله على بعض الحوادث اللي حصلت في اليمن هنتكلم في الحلقة آا اللي جاية على بعض هذه - [00:11:33](#)

امور تنفيذ عمر للاحكام كانت بتقوم بها الشرطة وكانت بتحقق في الامور يعني زي زي المباحث كده زي الشرطة الجنائية بتدور على الجريمة من الزي قتل من الذي فعل؟ من كذا؟ ثم تقييم الحكم عليه وعندنا قصص في هذا الموضوع جميلة جدا من ايام سيدنا عمر ابن الخطاب رضي الله عنه. برضو الشرطة كانت بتصادر - [00:11:53](#)

اموال لما القاضي ولا الامير ولا يصدر قرار بمصادرة مال انسان معين لشرطة هي اللي تتولى هذا الموضوع تروح تحصي امواله سواء من الاموال من المواشي او اموال من المتاع او الذهب والفضة. بتعمل مصادرة. وكان عمر بن الخطاب يعني هذا الموضوع في - [00:12:13](#)

خسرته في قصته متكرر اكثر من مرة ان هو صادر بعض الاموال وشاطر بعض الامراء اموالهم زي ما شفنا قبل كده في قصة عمرو بن العاص رضي الله عنه في آا فتح مصر - [00:12:33](#)

ارجعوا لها انه شاطر عمرو بن العاص ماله لما آا شعر ان هو عنده اموال آا كتيرة ومش مفروض يكون بيشتغل في شغل جانبي جنب شغله كأمين اطفأ قال له لا ناخذ نص المال ففي شرطة بتنفض هذا الموضوع بتحصي كمية الاموال اللي عند آا الفرد اللي هو هيصار ماله ده وبعد كده بتصادر هذه - [00:12:43](#)

الاموال او قسم من هذه الاموال لو كان عليه ديون. يعني هو عليه ديون معينة. فالشرطة اصابت ضده حكم قضائي ان هو يسد الديون ديت الناس اللي هو خد منهم الاموال فتيجي الشرطة لو هو مش راضي يدفع هذه الاموال تيجي الشرطة تصادر الاموال اللازمة لسد هذه الديون. في قصة بهزا المعنى - [00:13:03](#)

ها في موطأ ما لك عن عمر آا ابن عبدالرحمن المزني عن ابيه ان رجلا من جهينة كان يسبق الحاج الرواحل فيغلي بها. يعني ايه الكلام ده؟ اطلعوا من رحلات الحج من من بلادهم من قبائلهم لمكة المكرمة. بيعملوا سبق - [00:13:23](#)

شوفوا مين اللي هيوصل الاول وسواء يعني هذا السبأ كان للفخر او لمكاسب معينة بيحققوها الزراعة ذهبوا الى مكة قبل الاخرين في التجارة في غيره حكاية انه يسبق الحاج كلهم الحجاج كلهم طالعين بابل اللي يبسبِق الابل ده - [00:13:43](#)

آا كلها بيبقى له فخر عند العرب وله ذكر عند الناس. ففي راجل كان الموضوع ده شاغله جدا. موضوع راجل من جهينة ان هو لازم الحاج. في عمل ايه عشان يسبق الحاج؟ كل سنة لما ييجي الموسم الحج يروح يشتري افضل رواجل موجودة. افضل ابل بتجري - [00:14:03](#)

افضل ابل قوية عندها قدرة على السفر يشتريها. ويجي المرة الجاية السنة الثانية عايز يشتري ابل احسن عشان عشان الناس بتحاول تسبقه وهو يسبق كل حاج. فقعد يشتري كل سنة رواجل لحد ما افتقر. افلس لان هو يغلي بها كما تقول الرواية. يشتري رواجل - [00:14:23](#)

بها فيداين او يستلف من ده ويستلف من ده ويستلف ده يجيب رواجل كويسة يسبق الحاج تمام لكن عليه ديون ما عرفش بعد كده يسد الديون بتاعته رفع امره الى عمر ابن الخطاب رضي الله عنه. فجمع الناس وقال ايها الناس ان الاسيف كان اسمه الاسيف. ان الاسيف اسيف - [00:14:43](#)

جهينة الراجل بتاع جهينة اللي ببسبِقكم كل سنة ده رضي من دينه وامانته بان يقال سبق الحاج الا وان قد دان معرضا فاصبح قادرين به. يعني ايه الكلام ده؟ يعني هو هو قبل من دينه وامانته. مش - [00:15:03](#)

ابو زيد عمر هذا الفعل منه تنازل عن هذا الموضوع انه يحفظ دينه ويحفظ امانته بالامتناع عن الدين لغير حاجة راح علشان مجرد انه يسبق الحاج ان يقال سبق الحاج استدان. استدان وما قدرش يسد الدين حتى يرينا به يرينا بها لم - [00:15:23](#)
يقدر على السداد ما قدرش ان هو يسد اللي عليه. دان معرضا يعني معرضا عن سداد الديون للناس اللي بيستلف منها فخور قرب
السبق ومش باصص للدين اللي هو لبسه نتيجة هذا الموضوع. فاصبح قادرين به. فمن كان له عليه دين - [00:15:43](#)
ياتنا بالغداة احنا صادرنا امواله كلها. كل اللي عنده خدناه جمعناه. نقسم ما له بينهم. وبعدين كمل الخطبة بتاعته وجمع على الناس
والناس اللي لها دين عنده احنا خلاص صادرنا امواله وهنسد اموال الناس من اللي صادرناه من امواله. قامت طبعا الكلام ده كله الشكر
سبب زكر القصة يعني - [00:16:03](#)

فختم الجملة بتاعته او ختم الخطبة بتاعته رضي الله عنه بكلمة قال واياكم والدين فان اوله وهم واخره حرب لان الحرب بعد كده
هتقوم نتيجة ان هو صاحب الدين عايز ياخذ دينه يحصل صراع ونروح للقاضي ويحصل مصادرة واموال وقصص - [00:16:23](#)
يعني وفضايح وما لهاش لازمة ده كله فبيحزر واياكم والدين فان اوله هم واخره حرب. الشرطة ايضا في عهد عمر ابن الخطاب رضي
الله عنه كانت بتحمي ممتلكات الدولة. الدولة كان لها ممتلكات - [00:16:46](#)
على سبيل المسال مسلا لها حمى. حمى ده آا اراضي معينة واسعة. بيبقى فيها آا كلاً. فيها عشب فيها مرض للابل او مرعى للخيل او
مرعى للانعام. فالدولة بتاخذ مكان معين بتسميه الحمى. صور هذا المكان - [00:17:01](#)

لهذه الارض حمى الدولة تبع الدولة. وترعى في هذه الارض الابل الخاصة بالدولة. ابل الصدقة مسلا اللي طالعة من الزكاة جاية من اي
مكان اه غنائم بتخش في هذا المكان او الخيول خيول الجهاد في سبيل الله برضه بترعى في هذا المكان. الحمى ده مين اللي بيحميه
- [00:17:21](#)

الحلم ده تحميه الشرطة وكل موزفين لهذا الامر طبعا ده برضه امر جديد ما كانش موجود يعني اه قبل كده واول من يعني عمل
الحمى كان الرسول عليه الصلاة والسلام لكن اللي عمل له - [00:17:41](#)
نزام وسببتم زي ما انتم شايفينه كده في المدينة وفي مكة وفي الكوفة وفي البصرة وفي دمشق في كل الانصار الاسلامية كان في
حمى حمى حمى اللي عامل الحمى ده هو - [00:17:53](#)

وعمر بن الخطاب رضي الله عنه على هذا النظام وعمل له شرطة خاصة به. وفيه رواية جميلة في صحيح البخاري في موضوع
الحمى ده وفيها المعاني الرقيقة التي كانت تدار بها الدولة. الشرطة كان آا يعني بتقوم بامر الناس كلها مستفيدة منه ومستمتعة به -
[00:18:03](#)

موفر لها الامان والحفز لكن عمر بن الخطاب كان بيبقى آا خايف قوي ان حد من الشرطة يشد على الناس او ان هو يظلم الناس او ان
هو يتقوى وعلى الناس بقوة السلاح الذي يحمله. فدايما يكلم صاحب الشرطة بكلام رقيق ويقول له خلي بالك من الناس الضعفاء. خل
بالك من الناس - [00:18:23](#)

فقراء خلي الناس من الناس البسطاء الناس الاغنياء امورهم الحمد لله يعني متضطبة وهيقدروا يراعوا نفسهم لكن انت الامور الناس
البسيطة خلي بالك منهم شف الكلام عمر بن الخطاب رضي الله عنه لصاحب الشرطة اللي ماسك الحمى بتاع المدينة المنورة وده اكبر
حمى في الدولة. ده ده المنيع ده الاساس. بيقول له ايه - [00:18:43](#)

بيقول له يا هني اسمه كان اسمه هني اللي هو صاحب الشرطة اللي ماسك حماية الحمى بتاع الدولة كان اسمه هني بيقول له عمر يا
هني الرواية في البخاري اضمم جناحك عن المسلمين. اضمم - [00:19:03](#)

هنخف على الموسم بالراحة. خف على الموسم اضمم جناحك يا نتعامل معهم برفق وبرحمة وبشفقة. واتق دعوة المظلوم فان دعوة
المظلوم مستجابة. وادخل رب السريمة. سريمة يعني ايه السريمة؟ بيقول له - [00:19:23](#)

ادخل فين؟ ادخل في الحمى. انت مهمتك انك تحمي الحمى. ما تدخلش حد غير الدولة. لكن تجاوز عن الفقراء. لو واحد فقير دخله
مش كتحشو شوف الفكر اللي عند عمر ابن الخطاب رضي الله عنه. نعم. انت بتحمي اموال الدولة. وممكن حد يقول لك والله دي مش

ما لك عشان تقول دخل ولا ما دخلش - 00:19:43

هو واسع الالف عميق الفكر عارف الناس ديت كادحة وتعبانة ما تضغطش عليها. يقول له ادخل رب السريمة. الصرمة من الابل بيقلوا في اللغة الصرمة من الابل يعني الابل اللي هي من عشرة لبضعة عشر. يعني من عشرة لتسعناشر تقريبا. وفي بعض الناس ارتفعت بها لتلاتين وبعض الناس ارتفعت بها لخمسة - 00:20:03

خمسة واربعين. علماء اللغة يعني. فهو يقول له مش السرمة. بيقل له السريمة. يعني تصغير الصرمة. يعني اللي عنده اربع خمس آآ خمسة من الابل سبعة من الابل ما جابوش حتى العشرة اللي هي الصرمة. انما هو بيقل الصرمة. وادخل رب السريمة. ورب الغنيمة - 00:20:23

واللي عنده اغنام برضه قليلة. الناس اللي عندها ايه بالقليلة وغنم قليلة دخلهم ياكلوا من ابل من حمى الدولة او من اعشاب الدم ما فيش مشكلة. ما تشدش مع ان انت صاحب شرطة وبتقول لي انا مؤتمن على حفز هذا الموضوع. انا امير المؤمنين بقول لك خلي بالك الناس الضعفاء. فيعني تساهل معهم - 00:20:43

واياي ونعم ابن عوف ونعم ابن عفان. بيقل له انا قلت لك دلوقتي دخل رب السريمة ورب الغنيمة الناس اللي هم معهم ابن صغيرين لكن اوعى تدخل نعم او ابل او ماشية لعبدالرحمن - 00:21:03

ابن عوف او لعثمان بن عفان. لان دولت اغنياء جدا جدا. لو ما لقاش هنا هيلاقوها في غيره. ليه بقى يبجي ياكل من مال الدولة؟ ما ياكلش مال الدولة. دولت خليههم - 00:21:23

يتصرفوا يعيشوا اوعى تدخل حاجة للتاتين دولت كانوا اغنى اتنين في المدينة في ذلك الوقت فانهما اللاتين دولات العلمين العزام صندوق عبدالرحمن بن عوف وعثمان بن عفان انت اهلك ماشيتهما يرجعا يرجعا الى نخل وزرع. افرض هو مش لاقى اكل مش مشكلة لو - 00:21:33

حاجة اللي عنده غيره يرجع الى نخل وزعان عنده نخل ما شاء الله وعنده زرع ما شاء الله ما عندوش مشكلة. وان رب الصريمة ورب ونايمة. انتهى لك ماشيتهما. هيعملوا ايه؟ يأتيني بنيه. هيجي لي انا عند آآ في بيتي في المدينة المنورة. يأتيني بنيه. فيقول يا امير - 00:21:53

المؤمنين بيقل لي انا هعمل ايه؟ اضيع انا اللي اولادي هيضيعوا وهيموتوا من الجوع. افتاركهم انا لا اب لك؟ انا هسيبهم انا يموتوا من الجوع وانت قاعد بتحمي الكلى ما تعرضليش لهذا الموقف وما تعرضهمش لهذا الموقف. فالمال والكلى ايسر علي من الذهب والورق - 00:22:13

اكلهم بدل ما اغرم بعد كده ديات نتيجة ان حد منهم مات. ويم الله انهم ليرون اني قد ظلمتهم. يعني شوفوا دي برضو الرقة اللي في قلب عمر ابن الخطاب. هو عمل مصلحة. مصلحة الحمى ديت دي دي قضية كبيرة جدا. في ناس بتتكلم فيها كتير يعني. هو عمل مصلحة - 00:22:33

دولة مصلحة الحمى ان هو جه على ارض معينة صورها وقال دي ارض للدولة عشان مصلحة عامة للدولة. الارض دي زمان ما كانتش للدولة. الارض دي في زمان كانت لبعض القبائل لبعض الافراد كان لها عامة للناس يروحوا يرعوا فيها. فهو بيقل عمر بيقل هم شايفين ان انا زلمتهم لما - 00:22:53

حطيت اسوار على الحتة دي وقلت دي تبع الدولة. بس انا مضطر اعمل كده لان دي مصلحة عامة. انا باوفر اكل للابل وللخيول والاغنام بتاعة الدولة لا عشان بعد كده هتعود خيرها عليهم بعد كده. فهو عنده وموقفه الشرعي سليم. ما عندوش مشكلة. لكن هم من جواهر اشمعنى جيت على الارض بتاعتنا احنا - 00:23:13

ما كنتش تاخذ من هنا ما انت تاخذ من هنا ما تاخذ كل واحد هيدي مبرر عشان يبعد الدولة عن ممتلكاته هو. فهو مضطر ان هو يعمل هذا الموضوع وشاف ان دي انسب مكان - 00:23:33

اقرب مكان وافضل مكان ينفع للدولة فخده. وعوض الناس اي نعم بس اللي اتعوض ده حاسس ان هو اتزلم. فعمر بيقل له الكلام ده.

بيقول له ايه؟ ويل انهم ليرون اني قد ظلمتهم. انها لبلادهم فقاتلوا عليها في الجاهلية واسلموا عليها في الاسلام. فطول عمرهم من ايام الجالية - [00:23:43](#)

في هذه المنطقة وانا جيت خدتها وقلت لهم لأ دي للدولة. والذي نفسي بيده لولا المال الذي احمل عليه في سبيل الله ما حميت عليهم من بلادهم مش ابرة. لولا ان انا مضطر عشان اربي الخيول اللي هنجاهد في سبيل الله عليها في هذا المكان ما كنتش عملت هذا الموضوع. الفكرة رائعة جدا جدا. عمر ابن - [00:24:03](#)

الخطاب رضي الله عنه رقيق للغاية قلبه يعني خاضع لله عز وجل خاشع ما في تكبر ولا في تجبر ولا في عنف ولا في مع ان هو يزهر اما من الناس ان هو شديد لكن قلبه يرق لهذا الفقير صاحب السريما وصاحب الغنيمة وعمال يحسب الحسابات ان هم لهم حق - [00:24:23](#)

برضه في الارض ديت وانا عازرهم. طب اكلهم مع لا شيء جميل جدا جدا. دي شرطة يعني بتاعت عمر بن الخطاب رضي الله عنه كانت الحقيقة يعني بتمارس عمل من الاعمال الرائعة في الحضارة الاسلامية. واحنا بنفتخر ان عمر بن الخطاب رضي الله عنه هو اول من ادخل هذا النظام. اخر ما اختتم به هذه الحلقة - [00:24:43](#)

عمر بن الخطاب برضو هو اول من ادخل السجن في الاسلام. برضو الموضوع السجن في في الاسلام موجود من قبل كده من ايام الرسول عليه الصلاة والسلام وموجود ايام ابو بكر الصديق - [00:25:03](#)

لكن ما كانش له ما كانش عندها حاجة اسمها دار للسجن. ما عندناش مؤسسة اسمها مؤسسة السجن علاء شرطة بتحميها وفي ناس بتحطهم جواها تأكلهم وتشربهم طول فترة السجن المعروفة المعهودة. كان مسلا لو انتم تفتكروا ايام السيرة النبوية الرسول عليه الصلاة والسلام سجن ثمامة ابن - [00:25:13](#)

قال رضي الله عنه قبل ما يسلم اه في المسجد ربطه في المسجد ما عندناش احنا سجن معين في المدينة المنورة ايام الرسول عليه الصلاة والسلام فسجنوا فين جوة المسجد - [00:25:33](#)

جوة سريع احيانا بعض القسارة في بدر بعد بدر عمل ايه؟ سجنهم فين؟ الاسارة بدر السبعين واحد اللي اسرهم في بدر. سكانهم في بيوت الصحابة انت خد وانت خد ده وانت خد ده يحطه في البيت عنده يقيده لحد ما يتفك اسره. يجي حد يدفع الدية بتاعته والفدية بتاعته يخرجه. ده كان النزام ايام الرسول عليه الصلاة والسلام - [00:25:43](#)

ايام ابو بكر الصديق وصدرا خلفاه عمر. عمر هو اول واحد فكر لأ خرينا نعمل سيستم. بدل ما نحبس ده عند فلان او عند علان او في المسجد او كذا او يعطل امور - [00:26:03](#)

والناس لأ في دار اسمها دار السجن راح اشترى دار من صفوان ابن امية في مكة دي اول سجن اتعمل في الاسلام كان اتعمل في مكة فاشترى دار من صفوان ابن امية والدار ديت كان تمنها اربع تلاف درهم. اربع تلاف درهم حولوها انتم بقى انتم علمتكم موضوع التحويل ده. في عشان تعرفوا - [00:26:13](#)

تمنه بالعملة اربع تلاف درهم يعني تساوي كم؟ آ دینار تقريبا تلتمية وشوية دینار عشان حولها لذهب بدل ما يكون فضة نحوله لذهب. تلتमित دینار تلتमित دینار في اربعة وربع الدينار باربعة وربع جرام يعني كيلو وميتين تقريبا جرام. اكثر من كيلو ذهب. يعني تمنها بزمان بزماننا - [00:26:33](#)

ده مليون جنيه مصري. او حولوها انتم بقى لدولار بردو عشان ما اوجعش دماغكم يعني. فهو يعني معنى ايه؟ معنى كده ايه؟ انها كبيرة جدا ضخمة جدا جدا عشان ضرب هذه الاسعار في في مكة المكرمة دار ضخمة جدا. فاشترى الدار ديت وعملها السجن ومارس فيها الحبس - [00:26:53](#)

يعني في عندنا قصص موجودة حبس فيها صبيغ التميمي وصبيغ التميمي ده صاحب فتن كده هنتكلم عليه ان شاء الله في حلقة من حلقات القادمة. حبس فيها الحطيئة. الحطيئة لما بيستخدم الهج والهجاء الهجاء بتاعه كان فيه تعدي على بعض - [00:27:13](#)

فحبسوا في هذه الدار وفي قصص كثير من هذا الموضوع. فهو صاحب اول سجن وصاحب اول شرطة تكلف فقط حماية استجناد

شرطة السجون. ده الابتكار ده ابتكار عمري. فما شاء الله يعني الابتكارات لا حصر لها. لما نيجي نقول اتكلم عن الاوليات - 00:27:33
عمر اول من فعل اول من فعل هتلاقىها كتير جدا جدا. فيه ناس الفت كتب في هذا الموضوع. اوليات عمر. ان هو من كتر ما هو يعني
ما شاء الله اسهل - 00:27:53

اما في بناء الدولة بهذه الاوليات. مهما اتكلمنا عن عمر عمرنا ما هنخلص الحلقة. فلان في الاخر نختم ونقول ان شاء الله في الحلقة
قد لما نتكلم على جزء ثاني من اعمال عمر اللي هي اصلا برضو من اعمال الشرطة لكن هنفرد لها حلقة لروعتها وكثرة امثلتها وهي -
00:28:03

مسألة تطبيق الاحكام وتطبيق الحدود في عهد عمر بن الخطاب رضي الله عنه وارضاه. اسأل الله عز وجل ان يتقبل منا ومنكم.
جزاكم الله خيرا. والسلام عليكم ورحمة الله وبركاته - 00:28:23